

Nama :

Ting:

GURINDAM BARIS HADAPAN

RANGKAP	TEKS	MAKSUD
1	Tidak berbuat walaupun tahu, Diambil pengayuh dibuang perahu	Sesuatu ilmu yang dipelajari tidak bermakna sekiranya tidak digunakan.
2	Tidak tahu tapi berbuat, Kayu perahu di atas darat.	Orang yang tidak berilmu, tetapi cuba melakukan sesuatu, maka perbuatan mereka hanya sia-sia sahaja.
3	Banyak bercakap tak baca buku, Macam membawa duit tak laku.	Orang yang bercakap tanpa ilmu, tidak akan memberi sebarang faedah.
4	Kurang berfikir rajin membangkang, Bila-bilapun di baris belakang.	Orang yang hanya tahu membangkang akan disisihkan daripada masyarakat.
5	Jika ilmu dikaji teliti, Di sungai cabaran tersedia titi.	Kita perlu menguasai ilmu dengan bersungguh-sungguh agar mudah menghadapi masa depan.
6	Ilmu dituntut dengan tabah, Yakin diri bertambah-tambah	Seseorang yang belajar dengan tabah akan dapat meningkatkan keyakinan diri.
7	Membaca buku karangan tokoh, Bagai berpaut di dahan kukuh.	Sekiranya kita mempelajari ilmu daripada mereka yang pakar menjadikan pegangan lebih mantap.
8	Kembang ilmu tegap wibawa. Seluruh rakyat tidak kecewa.	Orang yang berilmu dapat melahirkan masyarakat yang berpendidikan.

Tema dan Persoalan

- Tema gurindam ini menekankan tentang kepentingan ilmu.
- Persoalan yang dikemukakan ialah kepentingan menuntut ilmu, meningkatkan keyakinan diri, sikap suka mengkritik dan berguru dengan mereka yang pakar.

Nilai Murni dan Pengajaran

- Elakkan bersikap sombong sekiranya kita mempunyai ilmu. Kita juga tidak digalakkan mengkritik orang lain. Sepatutnya kita memberikan cadangan agar dapat dimanfaatkan bersama.
- Ilmu perlu dicari untuk meningkatkan keyakinan diri dan ilmu itu dapat kita kembangkan kepada orang lain.
- Kita juga digalakkan menuntut ilmu dengan guru yang berwibawa agar kita memperoleh ilmu yang lebih baik dan luas.

Jawab semua soalan.

1. Pada pandangan anda, mengapakah terdapat antara kita yang bersikap "bila-bilapun di baris belakang"? [2 markah]

2. Berikan perbezaan antara orang yang berilmu dan orang yang tidak berilmu. [3 markah]

3. Pada pendapat anda apakah kepentingan ilmu dalam kehidupan kita sehari-hari? [4 markah]
